

呪畢便滅燈

无上黃籙大齋立成儀卷之十九

无上黃籙大齋立成儀卷之二十

廣成先生杜光庭集

存

科儀門

投龍壁儀

詣洞天於門外選平地或船中或石上並

須掃淨精潔以設醮位淨席五領醮巾兩

條青布緋布並可酒茶湯隨盤數五果餅

饌隨時所有國家六十分臣庶二十四盤

香四爐巾案四副正面三寶位左洞府神

仙位右日直土地監察位及法師關奏位

陳設訖以香水洒壇之外以盥氣換禁禁救

如常儀師徒弟子並須潔漱嚴潔以虔恭

為先不得因循喧聒不恭於事考罰尤深

次唱各禮師存念如法次思三尊經寶玄

師五星五帝五嶽五嶽五靈經籍度師三

色雲炁當處洞府真仙靈司監察官為日

直土地儼然在坐羅列分明如齊法訖依

科行事

投山簡法

先於洞府門外鋪設醮位訖禮師存神如

本法

各禮師存念如法

次衛靈呪

次鳴法鼓二十四通

發爐

无上三天玄元始三炁太上老君召出臣等

身中三五功曹左右官使者左右捧香驛龍

騎吏侍香金童傳言散花玉女五帝直符直

日香官各三十六人出出者嚴裝關啓某處

土地里域真官正神臣今正爾燒香奉為某

官為某事乞修設无上黃籙大齋功圓事畢

投簡靈山水簡作靈泉願得太上十方正真

之炁降流臣等身中令臣所啓速達逕御

太上無極大道崑崙五嶽靈山洞府前各三

水簡太上無極大道崑崙五嶽靈山洞府前

土簡太上無極大道九土

次各攝法位

具法位奉行黃籙投龍法事且恭謹奏請

大羅玉清無極無上至真大道元始天尊太

上道君太上老君三十六部尊經玄中大法

師三寶聖眾一切尊靈恭望感應分輝垂慈
下降禮拜

謹奉請

其洞府神仙洞天官屬得道真人伏望真慈
垂光下降

謹上請

當境主司虛空監察香官使者三洞神威里
域真官翊衛將吏山水川澤一切正神伏望
聖慈具官來降

次三拾香上茶酒

次長跪啓白

臣謹上請

太上無極大道太上三尊十方已得道大聖
眾至真諸君丈人東華南極西靈北真三十
六部尊經玄中大法師太極真人玄一三真
人諸天日月星宿崑崙上宮諸神仙西靈金
母五嶽真君靈山正職潛霍儲君青城丈人
廬山使者鍾山鬱絕西玄壙臺五嶽大神三
官北都六官幽司天下地上冥靈衆神監生
主錄南上三門至神至靈一切群仙臣胎誕

塵濁昏暗無知萬劫善緣依承道化奉宣慈
訓佑國立功濟物度人引導讚法奉為共官
某乙修設齋籙大齋正為某乙普及存亡懺
罪乞恩解罪罪登法事都畢投簡靈山金龍
驛傳乞落除罪傳記名玉曆願神願仙解釋

九玄七祖九族種親先亡後化拔贖惡根免

脫艱都底宗二十四獄五嶽之府九幽之中

刀山劍樹苦惱之鄉魂觀光明水蒙開度轉

輪受化道通福門安穩墳墓注誥不與舉家

蒙福一切荷恩妖精殄滅善端日生修道恭

真永偕仙品蒙如所啓仰荷玄恩臣某誠惶

誠恐稽首頓首再拜謹啓

起立捧簡文香上熏之次讀簡文竟青紙

封之青絲纏龍鈕璧畢弟子執之於香上

法師呪曰

玄上開明 元始監真 上帝丑老 赤書丹文

天地本始 摠領三元 攝炁召會 催促舉仙

高上符命 普告十天 日月星宿 五嶽靈山

天上地下 溟冷大神 監生主錄 南上三門

關領玉簡 勅名丹編 削落罪書 上補帝臣

善惡至道 修齋立功 拔贖九祖 一切苦魂
行道事竟 謹依靈山 請投玉簡 乞削罪名
皆蒙解脫 無有冤親 去離三惡 魂升九天
生死開度 萬劫常存 今日上告 萬神咸聞
請以龍簡玉訣及投龍簡關盟真官 乞如所告

金龍驛傳

况畢衆官再拜 次投簡於洞中

次投龍簡頌 次三禮

次三拾香 次復爐

次學仙讚 次微饌

投水簡法 禮師存念

衛靈呪 鳴法鼓

發爐 稱法位

降真 上茶酒

次長跪啓白

臣謹上啓

太上無極大道太上三尊十方已得道大聖
眾至真諸君丈人東華南極西靈北真三十
六部尊經玄中大法師太極真人日月五星
北斗七元五嶽四方日靈常暘洞谷洞陰神

仙大王扶桑大帝九老仙都君三河四海九江淮澤三官九署十二水源九府水帝溟泠大神水府衆仙一切群靈臣誕形下土稟質凡微宿以道因遭違聖運靈寶垂化大法度人佐國立功奉弘慈訓今為某官某修設無

上黃籙大齋為拔亡靈某普兼存歿祈恩謝罪請福消災解釋冤仇增延命祿法事都畢投簡靈泉金龍驛傳乞削死籍落罪注生願神願仙賜以自新九祖七玄解拔苦根去離嗚谷幽夜寒鄉沐浴練度超升天堂塚墓安吉殃注永泯衆家受福神氣休寧學識開朗智慧圓明揚闡正法消伏姦凶三界證度功滿行充帝王安鎮國祚興昌謹以啓聞乞如所陳臣某誠惶誠恐稽首頓首再拜謹啓

青絲纏龍聖鈕等令弟子執於香上呪曰元始五老 上帝高尊 十方至真 太華靈仙 赤文告命 無幽不關 上御九天 請下玉文 日月五星 北斗七元 中告五嶽 四方靈山 下告河海 十二泉源 九府水帝 溟泠大神

今日上告 萬願開陳 恭修齋行道 普為存亡 請贖七祖 宿對罪根 謹投土簡 乞得上聞 記名水府 過去昇天 生死開度 萬神咸聞 請以龍簡玉法作金鈕 告盟水帝玉法作盟水官 賜如所陳玉法作賜 金龍驛傳

呪畢衆官再拜 次投簡於水中
次投龍簡頌 次三禮
次三捨香 次復爐
次學仙讚 次微醮散如常法
投土簡法
禮師存念 衛靈呪
馮法鼓 發爐
次稱法位 降真
上茶酒 次長跪啓白
臣謹上啓

太上無極大道太上三尊十方已得道大聖衆至真諸君丈人東華南極西靈北真五老上帝三十六都尊經玄中大法師太極真人玄一三真人鄭都大帝君九州之官泉曲主司無極世界高皇九土皇靈季帝高真中皇

九土戊己黃神土府五帝三界官屬土地里域真官正神及此地一切靈祇臣稟氣凡愚叨因宿運會遇真法與善因緣值靈寶開光赤書宣化許以庸穢恭奉正真佐國為時立功行教奉為某官某修設黃籙大齋為拔亡

靈某普兼存歿消殃謝罪請福祈恩行道事訖投簡靈壇金龍驛傳乞削除地禍除其罪名願度願生保濟形神九老仙都玉曆注名九祖父母胞元種親先亡後逝咸享福緣去離九幽之下八門之鄉地獄之內楚掠之中殃愆消釋家宅清寧惡根斷絕上生福堂某學業圓就功行盛明生死同福未保無傾帝王受福天下和平謹以啓聞乞垂感悟臣某誠惶誠恐稽首頓首再拜謹啓

青絲纏龍聖鈕等令弟子執於香上呪曰天地開張 九氣分靈 三元同符 十方朗清 五老上帝 開真領生 丹書赤文 元始上精 普告天下天九土皇靈 今日上告 萬仙定生 恭修齋行道 普為存亡 我願我仙 請投玉名

土府大皇 勅除罪形 奏簡上宮 列簿華青
早得飛騰 天地同靈 九祖種親 腐骸更祭
魂升南宮 受化仙庭 今日告命 萬神咸聽
應作軍投龍 簡到軍作聽 請以金鈕 未明至情 請如所告
金龍驛呈

呪畢眾官再拜 次投簡壇心地中
次投龍簡頌 次三禮
次三捨香 次復爐
次學仙讚 次徹饌散如常儀

右土簡言功之夜宜讀呪讚已畢至明便
可埋於壇中不俟別更關告今以張承先
法師儀內有三簡恭奏其位不同故再錄
於此若修齋土簡只以言功醮時呪告便
投可也其山水二簡雖言功之時宜呪已
畢若至洞所設應當須依此次第一一宣
讀封呪然後投之斯為周備不可以壇中
已告至山直爾便投所在真靈恐不關領
善功不達所失尤多切宜詳謹也所以壇
中告此山水二簡者蓋恐齋主弟子公私
所係不得親詣洞天故於壇中對共宣告

爾若齋主弟子不憚山水之遠登涉之勞
自與眾官躬詣洞府者即言功之際但拜
未後告土簡了留山水二簡就行法事更
為允當切在詳而行之不可執三簡之時
當為所在土地燒錢一二百紙極佳矣無
文不為滯也

唐道士張承先曰登壇受靈寶中盟畢依
自然金科投金鈕十口放龍清泉為求仙
之道重登壇受五老赤書二錄策杖思微
定志等依明真科文重投三龍三十七鈕
以山水宅三處為學仙之引信然後依玉
訣別以九龍二十七鈕以八節日投山水
宅求除罪簿言名上天又黃籙齋竟亦投
龍簡只依三元簡文無別啓告立成口訣
群愚相承施用蒙昧余昔過師陸君通神
入妙言事當理無不感應稟妙在心而文
無儀執若依經本文設書投之則山水宅
神將非可識錄幽顯漫浪甚乖玄宗故撰
此三處關啓文各指告其仙司又列出三
簡立成訣今按分明當時必蒙克書削罪

記名九玄即拔家門荷崇學業享茂生死
獲仙開示門人尊秘之焉
杜光庭曰大道以一炁化生三才陶鈞萬
有故分三元之曹以主張罪福即天地水
三官實司於三元也人之生死壽夭罪善

吉凶莫不係焉三籙簡文格亦三元之典
格也修齋之法當投三簡以告三元故山
簡投諸洞天洞府奏天官上元也水簡投
靈泉水府告水官下元也土簡投於壇宅
告地官中元也詳簡文之中具靈位號事
理顯然近代以來只投山水簡二淮浙江
表有三簡之儀行之已久今檢尋本末得
張承先法師所述之文奏告三元頗為明
當則三簡投其信無惑焉固可遵行以為
永式不獨受經即投三簡修齋遵法全係
三元若三簡俱行即詮舉善功皆違三官
之府矣修齋之士幸無致疑也
右禁壇禮燈投龍壁儀並出杜光庭黃籙
齋儀
无上黃籙大齋立成儀卷之二十